

# Guangjisi Minzcu Bau

ganhhau: CN45-0036 B.2017 Nd.11 Ng.22 liggaueq dingyoux nienz ndwencib cohaj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3300期

## Vanzgyangh Angqhoh Mauznanz- cuz Swciyen Laebbaenz 30 Hopbi

### 环江毛南族自治县喜庆30华诞

Ndwen 11 ngoenz 18, Vanzgyangh Mauznanzcuz Swciyen banh aen hoih hung angqhoh, angqhoh swciyen laebbaenz 30 hopbi. Daengx Guek Yinzda Minzveij, Guekgya Minzveij Cukhohduenz, Swcigih Daiqbiujduenz, Hozciz Si Daiqbiujduenz, gak dieg bouxhek caeuq Vanzgyangh daengx yienh 38 fanh vunz gak cuz vunz lai caez gvaq aen hoihhoengh neix.

Daengx Guek Yinzda Minzveij, Guekgya Minzveij Cukhohduenz donzcangj, Guekgya Minzveij Cizsuz Gihgvanh Dangveij fusuhgi, Gijveij suhgi Goz Genminz haengdingh caeuq cukhoh gij cingzci Vanzgyangh 30 bi neix daeuj aeundaej haenx.

Swcigih Daiqbiujduenz donzcangj, Swcigih Dangveij cangzveij, Cwngfazveij suhgi Vanz Siyungj daiqbiuj Swcigih Dangveij, Yinzda, Cwngfuj, Cwnghez, Guengsae Ginhgih yienq Vanzgyangh biusiq cukhoh, muengh Vanzgyangh giendingh

mbouj bienq henhoh gij gienzvi caeuq gyoebcomz doengjit lingjauj aen dangcunghyangh aeu Siz Giningz dungzci guh haedsim haenx, doidoengh ginghci laebdaeb cangqheiq hwngfat, doicaenh hwnjguh beksingq saedcej, dwkhingz ciengz ciengq vut gungz gunggeng, mboujduenh aeu minzcuz doxgiet cinbu saehnieb hwngfat baenaj.

Daengx Guek Yinzda Minzveij, Guekgya Minzveij Cukhohduenz fudonzcangj, Daengx Guek Yinzda Minzveij Bangunhsiz fucujyin Lij Yangdi doeg gij hohdienh Daengx Guek Yinzda Minzveij, Guekgya Minzveij. Swcigih Daiqbiujduenz fudonzcangj, Swcigih fucuzsuz Vanz Veijgingh doeg gij hohdienh Swcigih. Swcigih Daiqbiujduenz soengq "aen bingzbaui minzcuz doxgiet", hohbenj hawj Vanzgyangh. Swcigih Daiqbiujduenz fudonzcangj, Swcigih Yinzda Cangzveijvei fucujyin Yungz Swsingh, Swcigih Cwnghez fucuzsuz Gauh Fungh, Guengsae Ginhgih fucwng-

veij Vanz Gvanghmingz, Swcigih Gaugap Yinzminz Fazyen yencangj Vanz Gwz camgya aen hoih hung neix.

Vanzgyangh dwg daengx guek aen Mauznanzcuz swciyen dandog, ndaw gvaq miz Mauznanz, Cuengh, Gun daengj 10 lai aen minzcuz, gyauejvunz gungh 38 fanh vunz, ndawde Mauznanzcuz miz 6 fanh lai vunz, daih' iek ciemq 60% gyauejvunz Mauznanzcuz daengx guek. 30 bi daeuj, Vanzgyangh ginghci hwngfat riengjvaiq, canjnieb hwngfat daezsang yienhda, vut gungz gunggeng cingzyauq yienhda, lijyouz canjnieb hwngfat ndaej ndei, yienghsiengq hawsingz lajmbanj bienq moq. Bi 2016, saedyienh aendieg swngheanj cingciz 45.3 ik maenz yinzminzbi, caizcwnng souhauej 3.55 ik maenz, faenbied dwg 11.54 boix caeuq 48.4 boix bi 1987; vunz hawsingz bouxvunz bingzyaenz ndaej ceiboq souhauej 23066 maenz, vunz lajmbanj ndaej ceiboq souhauej 8122 maenz.

(Yiz Yoz)



### Yungzsuij: Gij Cingsaenz Cibgouj Daih Daengz Mbanjmyauz

#### 融水: 十九大精神到苗山

Ndwen 11 ngoenz 17, aen hozdung saedhengz cawjdaez "haeujaeg saedcej cap rag beksingq" senhconz hag gij cingsaenz Cibgouj Daih dangj youz Liujcouh Siveij Senhconzbu, Vwnzlenz, Liujcouh Yizbau Se lienhab banh haenx youq Yungzsuij Myauzcuz Swciyen banh, 100 lai boux bouxguhong vwnzyi daj aen lingjyiz ciengqgo, vehveh, suhfaz daengj daeuj haenx, doenggvaq biujyienj vwnzyi, soengq doiq, yienhciegz vehveh daengj hingzsi, haenqrenz senhconz gij cingsaenz Cibgouj Daih dangj. Ndaw doz dwg bouxguhong raiz doiq soengq hawj gyoengq vunz lai.

(Lungz Linzci/龙林智)

## Dwzbauj: Heiquengh Ciengq Gij Cingsaenz Cibgouj Daih

### 德保: 壮剧说唱十九大精神

Ndwen 11 ngoenz 13, riengzdwk baenz raq baenz raq sing ngeihyienz ndokmax ndeidingq, ndaw liengzdingz Fanghsanh Gunghyenz Dwzbauj Yen cienz ok baenz raq baenz raq sing ciengq Heiquengh. Neix dwg ciengz daih' it yienjok aen gyangsiszsoj riuzdoengh Dwzbauj Yen gangj gij cingsaenz Cibgouj Daih, yienjok yienhciegz vunz daeuj yawj gig lai, lij seiz mbouj seiz bekwngz huhu.

Baez yienjok neix gungh miz 《Haeujdaengz Seizdaih Moq》《Gij Cingzci Cibbet Daih Nyoengx Sim Lwgmiz》《Lohsienq Fuengyienq

Cibgouj Daih Rongh》《Gij Rongh-lwenq Dangj Ciuq Coglaeng》《Gij Gvaqsim Suhgi Daih' it》daengj 8 aen cizmuz, miz vaiqbanj Heiquengh, Heiquengh siujcuj ciengq, doiq fwen daengj hingzsi, cungj dwg gij cizmuz hingzsi vunz lai haengj dingq gyaez yawj haenx, vah doengsug rox ngaih, lij yungh ngeihyienz ndokmax Dwzbauj daegbied gagmiz haenx guh yienjok buenxcienq, hawj yienhciegz haujai vunz nyaenx mbouj ndaej gaen dop banj.

Ciuq cam rox, vih baujmaenh senhconz gij cingsaenz Cibgouj Daih

dangj fuengyienq byaij mbouj mbieng, Dwzbauj Yenveij Senhconzbu cujciz vunz biencauh cizmuz, haeujlaeg habsib Cibgouj Daih baugau, cizmuz neiyungz cogauj guhbaenz le, cienmonz hai hoih yenzgiu coihgaij guhndei, doeklaeng cij guh baizlien. Yamq laeng aen doihvwnzyi Heiquengh neix lij yaek byaij haeuj hagdangz, yanghcin gyangsiszsoj guh cunzyienj, hawj gij cingsaenz Cibgouj Daih cienz daengz cien ranz fanh ranz, caen soengq daengz ndaw sim vunz lai bae.

(Yangz Sezgyah)

## SIUSIK DINJ

### 简讯

● Mboengqneix, Denzlinz Yen Minzcuzgiz bae daengz minzcuz hagdangz aen yienh neix, cujciz haiguh bi 2017 minzcuz lijln, minzcuz cwngecw caeuq minzcuz faplwd fapgi senhconz gyauej haeuj hagdangz hozdung, doenggvaq cujciz lauxsae haiguh ciendaeg yangjcoz, fat senhconz swlhliu hawj hagseng lauxsae hagdangz, cujciz hagseng haiguh cihsiz doxdax daengj lai cungj hingzsi, soengq gij minzcuz cwngecw faplwd fapgi cihsiz dangj caeuq guekgya raeuz hawj gyoengq hagseng.

(Banh Sauginh)

● Ndwen 11 ngoenz 14, Sanhgyangh Duncuz Swciyen Fuluz Myauzcuz Yangh haiguh hong "yawjrox najvunz", youq gvaengxlaengx daengx yangh doiq bouxgeq 60 bi doxhwnj guh yawjrox najvunz, doeng-gvaq yawjrox gyalai guenjieix gij ngaenzgoek baujyiemj ciengxlaux gihbwnj vunz hawsingz lajmbanj, mizyauq gaemhanh gij hingzveiz mauh lingx, yaeuh lingx gij ngaenz ciengxlaux, ancienz henhoh gij ngaenzgoek baujyiemj ciengxlaux.

(Gunj Yicungh)

● Ndwen 11 ngoenz 14, Gunghcwnz Yauzcuz Swciyen daj hagseng guh hwnj, youq Lenzvah Cuhcungh banh "heiq haeuj ndawhag" senhconz gvancez gij cingsaenz Cibgouj Daih vwnzyi yienjok, doenggvaq yungh gij biujyienj hingzsi caeuq cizmuz "beksingq guh cungsim" haenx, yungh cungj fuengsik neix, hawj gyoengq lauxsae hagseng hag ndei gij cingsaenz Cibgouj Daih dangj.

(Siz Yenjcwngh)

● Geij bi neix daeuj, Denzyangz Yen Bohhungz Cin aeu gyalai gij souhauej vunzguhna guh haedsim, gohyoz gveihva, aeu hwngfat dajndaem dajciengx daegbied dangguh gij cujdauj canjnieb hwngfat lajmbanj, haenqrenz doicaenh canjnieb gezgou diuzcingj, dajndaem dajciengx daegsaek hwngfat mwnhoengh, bienqbaenz diemj demmaj moq ginghci hwngfat, vih vunz lai hai haujai diuz loh laisou.

(Cinz Sinhyij)